

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

- 1. Kangaamiuni Atuarfik kingusinnerpaamik 2015-mi nutartigassaasoq Inatsisartut Aningaasa-qarnermut inatsimmi 2013-miikkaluartoq peerneqarsimanera sumit tunngaveqarpa?**
- 2. Maniitsumi aamma Atuarfik Kilaaseeraq 2017-mi nutarterneqarnissaminik inissisimanera aamma ukioq manna sektorplanemiit peerneqarsimanera sumit tunngaveqarpa?**

(Ruth Heilmann, Siumut)

**Tunngavilersuut:**

Nalunngilara taakkua atuarfiit marluk ukiorpassuarni tamakkiisumik pitsaangorsaavigineqarsimanissaminut utaqqisinneqarlutillu kinguarsarneqartuutuuq, tamanna akuersaaruminaalluinnarpoq. Kiisamilu iluarsaanneqarnissaminut periarfissaasa 2013-mi isumalluarnartumik inissinneqarsimanerat manna pilersaarutini takuneqarsinnaajunnaarsimapput.

Tamanna pitsaanngilluinnarpoq, akuersaarneqarsinnaananilu. Atuarfiit taakkua nutaanngilisimaqaat ullutsinnut Atuarfitsialaallu anguniagaanut naleqqussarneqarnissaminut assorsuaq pisariaqartitsisuullutik, oqaatigisariaqarparalu nunatsinni nutarsarneqarnissaminut pisariaqartitsinerpaajullutik allaat taakkua inissisimapput. Kissaatiginarpoq Naalackersuisut atuarfiit taakkua suliaassani sallinngortillugit sulinerminni inissittariaqarpat.

Apeqquaqaatikka ullut suliffiusut qulit qaangiutsinnangit akineqarnissaat piumasarivara.